

Kauf p[e]r: .350. f: „-„

Barbara Weyl:[and] Hannsen Gräuogls, [Grauvog!]  
von Heislern seel:[ig] hündlerlassene wit=  
tib, Bekhennt, vnnd verkhaufft, mit Beÿ=  
standts deren Gerichtlich verordnete  
Vormundt[er], Leonhardt Streckhens, vnnd  
Geörgen Plözens alda, das, von dem  
Bemelten Erblasser eine Zeitlang  
Erbrechts wise ingehabtes Gueth  
dasselbst, mit all dessen Rechtlichen  
ein: vnnd Zuegehörungen, Zu dorf:  
vnnd Veldt, nichts hieruon Besond[er]t=  
noch ausgenommen, gleich selbige es  
ingehabt: genuzt: vnd genossen haben,  
von welchen iehrlich dem Pflegambt al=  
hier Zu Geörgi: od[er] Michaeli .1. f: .17. x:  
Züns, Ain Fas[t]nacht Hennen, vnnd .6. pfundt  
Hofschmalz verraicht: dann ain Tag  
Mehen, ain heigen, .2. schneidten, vnnd  
.1. Tag Hackhen scharwerch verricht:[et] od[er]  
das Gelt dafür Bezalt werden  
mues, auch im ybrigen Aldahin mit  
der Manschafft, Rais, Steuer, Scharwerch  
Zum Schloss, Vf Begebenter Verender=  
ung mit dem Zehenten pfening Handt=  
lang, vnnd all and[eren] Pottmessigkheiten

vnd[er]worffen, vnnd Beigethan ist. Dem Ehr=  
Bahren Hannsen Ederer von Roß Hof, noch  
Ledtig: doch voggtbahren standts, als der  
Verkhaufferin Zuekhünfftigen Tochterman,  
vmb .250. f: dan absonderlich ein par  
oxen pr: 30. f: ein Khue vmb .10. f: Wüntter:  
vnnd Sommerpau pr: 40. f: wie Nitwenig[er]  
all[e] verhandtene Haus, vnnd Paumansfahr=  
nus vmb .20. f: Zesammen aber in ein[er]  
Suma vmb, vnnd pr: 350. f: sambt .2. f:  
Gleich par Bezalten Leÿkhaufs, welchen  
Kaufschilling der Kauffer volgenterge=  
stalten Zubezallen versprochen, Als

Erstlichen will Er anheunt [heute] Bei Beschreib=  
ung des Kaufs .100. f: par gelt erlegen,  
dan an die Zum Gottes Haus Geiganth schultige  
.31. f: .30. x: item an ienige .17. f: .30. x: so

man in die Geörg Simonische von Gleissen=  
berg „Vormunndtschafft“ schuldig, vnnd an Adam Zickhlschen Heis=  
lern .[Heute Hausnummer 1 in Häuslarn] 1. f: Fuhrlohn stehen, trifft also Zusammen  
die Angabs Frist .150. f: dan mues Kauffer  
an den noch verbleibente .200. f: pfingstag anno  
.1705. Zur nachfrist .20. f: Bezallen, vnnd „mit“ solchen  
iehrlich solange: continuirn, Bis der Völlige Kauf=  
schilling entricht:[et] vnnd Bezalt sein würdt, Geschechen  
den .7.tn Martÿ @ .1704.

Testes

Hanns Ederer von Roßhof, vnd Wolf Stettner  
ambts Pott alhier

.208.

Ausnamb

Vorgedachte verkhauffente Barbara  
Hannsen Gräuogls von Heislern seel:[ig]  
hinderlassene Wittib, hat ihr Beÿ dem  
vnd[er] heuntigen dato ihren Zuekhünfftige[n]  
tochterman Hannsen Ederer von  
Roßhof, verkhaufften Gueth, volgent[e]s  
Zur Leibgeding ausgenommen, Als

Erstlichen die Herberg Beim  
Kauffer Vf der Stuben, da sÿe aber  
Bei deme daselbst wid[er] verhoffen,  
nit verbleiben khundte, mieste selbiger  
ihr ohne deren entgelt d[a]ß nebenCämerl,  
Zu einem Stibl Zuerichten, vnnd mit  
Holz: vnnd Liecht, der Notturfft nach  
versehen, So solle Er Kauffer auch,

Anderns schuldig sein, der Verkhauff[erin]  
eine alle iahr Zue ihrer Vnd[er]halt  
.10. Mezen Korn .5. Mezen Gersten,  
vnnd .5. Mezen Habern alles Waldt=  
münchnermaß Zuuerraichen, in gleichem,

Drittens ein Kue, wie sein Viech Sum=  
mern: Vnnd Wünntern, vnnd iehrlichen  
Zur Schmalsatt ain orth, vnnd Endt,

wo Kauffer die seinige hat, .8. pifang Veldt  
Zulassen, selbiges ohne ihr entgelt Zu Tungen,  
Zu Hauen, Vnnd Zu pauen, auch das darauf  
erpauente Zur Herberg Zufiehren, dabei

Vierttens abgered[e]t: Vnnd beschlossen worden,  
das die Verkhaufferin Befuegt ist, d[a]s gras  
von ihre Kue an ienigen orthen Zunemmen,  
wo Kauffer vor sein Viech graset, massen

Fünfftens absterben der ver=  
khaufferin dise Leitterung gefahlen:  
vnnd der Kauffer er disfahls niemants  
nichts mehr Zuuerraichen verbundten  
sein solle, geschechen et Testes vt Supra

[.....]

.209.

[.....]

© Transkription by Josef Ederer Katzbach 33

Datei: 00031-Staam\_2018-12-20\_15-10-17aHausNr4Haeuslarn